



**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

De Sacramentorum frequentia. Capvt II.

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

IVVANDOS MORIENTES. 7
eorum in exhortando sint apud alios
efficaciora.

DE SACRAMENTORVM

frequentia.

CAPVT II.

SI quis Fratrum in mortale peccatū
lapsus sit, alacris sit & promptus,
vt se mox per Confessionem purget:
quòd si omnino cauere non poterit,
quo minus nonnunquam in peccatū
ruat, Apostoli saltē consilium se-
quatur, qui monet, operam dandam
esse, ne peccatum regnet in nobis:
quod sanè tum in nobis regnare dici-
tur, cū tardi sumus & negligentes,
ad illud per pœnitentiam obliteran-
dum. Eluere namque, & expurgare
peccatum confestim debet quilibet;
nisi enim id ab anima tollatur, mox
suo pondere, inquit Gregorius, secum
trahit aliud. Sed & Augustinus mira-
tur, hominem non ausum dormire
inter inimicos, qui corpus tantū pos-
sunt occidere: securè autem stertere
inter peccata mortalia, quæ possunt
animam in mortem æternam præci-
pitare. Nemo autem existimet sat tem-
poris sibi ad confitendum superesse:
A 6 etenim,

Post peccatū
mox confite-
endum,

Roman. 6.

Gregorius.

Augustinus.

8 INSTRUCTIO AD

Matth 24.

etenim, vt infallibilis illa testatur Veritas, die qua non speramus, & die qua ignoramus, Dominus venturus est, rationem à seruis suis postulaturus. Sed & videmus quotidie nunc hos, nunc illos aut morte subitanea, aut diuersis accidentibus mori: quæ pericula vt euitemus, necesse est, vt vigilemus, & confestim peccata nostra cōfiteamur. Præterquam enim quod hoc modo reuertemur in gratiam, etiam per consequens opera bona, quæ faciemus, erunt Deo accepta, & æternæ vitæ meritoria. Sed etsi quidem sæpius confiteri sit vtilius, vt minimum tamen sodalis semel in mense confiteatur, & communicet; deinde quoque singulis solennitatibus festisque anni principalioribus.

Quoties confitendum.

DE ORATIONIBVS ET exercitijs spiritualibus.

CAP. III.

ETsi homo difficulter potest Deū laudare sine intermissione, sicut Sancti faciunt in cælo, qui nunquam cessant à laudibus illius: neque potest semper & continuè orare, sicut monet Saluator; non tamen intermittere debemus,

Luc. 18.